



QUÆSTIO MEDICA.

QUOD LIBETARIIS DISPUTATIONIBUS

manè discutienda in Scholis Medicorum,

die Jovis decimâ^{te} sextâ Decembris. 1743

M. EUSEBIO ADRIANO THUILLIER,
Doctore Medico, è Regia scientiarum
Academia, Præsîde.

An ab aëris vi elasticâ, motus musculorum?

I.

EQUA corporis humani comparatio cum machinâ
elastico-hydrolico-pneumaticâ. Mira partium qui-
bus conflatur, luxuries & consensus, arguit crea-
toris potentiam infinitam; legum simplicitas, qui-
bus tota nititur, & conservatur sapientiam. Evoluta ejus com-
pages artificium declarabit. Solidæ partes in fibrillas resolvun-
tur omnino; fluidæ omnes à sanguine ortum ducunt. Illæ ca-
nalibus dant locum, qui circumvolutionis ratione, sitûs, po-
situræ, membranas efformant, nervos, glandulas tam conglo-
batas, quàm glomeratas, varia incernicula, ossa, cartilagine
fibras musculorum. Sanguis non unius facultatis liquor, ob
partium varietatem, humoribus usque labentibus dat ortum,
& spiritibus. Duæ partes principes, nervi & muscoli. Primæ
occasione sensationum omnium jure vocantur. Secundæ mo-
tum subjecta variorum, sive voluntatis imperio fiant, sive
solâ automatis lege, sive mixti sint è duobus. Anima videlicet
eâ lege corpori, dum vivit, devincitur, ut quoties in eo
motus excitantur, qui vel machinam conservare valeant, vel
insigniter lædere, oriatur in eâ (divinæ particulâ auræ) sen-

fatio, quæ vel voluptatis aut doloris, gaudii aut tristitiæ vocabulo venit. Sic duas substantias sociavit omnipotens, quæ à sese plurimum abhorrerent; prodigium naturale & perpetuum, quod præ inscitiam non sat mirantur homines. Non est de structurâ musculi, inter recentes Anatomicos dissensio. Is est pars organica corporis. Conflatur ex membranâ, carne, arteriis, venis, nervis, & tendine. Tegumenti ad instar Membrana totum involvit, sub quam conspiciere datur fibras innumeras colore sanguineo saturatas. Hæc fibrarum compages desinit in substantiam quandam albicantem consistentiæ nervæ, & tendo dicitur. Hic plerumque in principio, seu capite, & fine, vel caudâ musculi reperitur; medias tenet venter. Musculorum substantiam perreptat innumera arteriarum, venarum capillarium, nervorumque familia. Illæ sanguinem afferunt, revehunteve nutritioni destinatum; hi succum spirituosum subministrant, qui cum sanguine mistus, subitanæ illam ebullitionem, seu dilatationem procreet, quo tota vis musculorum, & motus continetur. Musculus porro, facili negotio in plures fasciculos divellitur, quorum quilibet formam refert prismatis triangularis, quadrati, pentagonalis, aut alterius generis, prout ipse est variè figuratus. Notat *celeberrimus Borellus*, fibras musculares post elixationem inflari, quas si exquisito armatus microscopio introspicias, cylindros animadvertes haud absimiles virgultis arborum, & substantiâ quâdam spongiosâ refertos; hinc videre est fibrillam muscularem excavatam esse, & porosam. Cæterum fibræ fasciculorum colligantur, & quasi vinciuntur à fibrillis transversalibus, tendinosis, parallelis, quæ cum prioribus texturam reticularem effingunt. Sic cavitas cujusque cylindri, vel fibræ motricis distinguitur in æqualia internodia, quæ plures cellulas seu vesicalas efformant; hæ laxioris vinculi beneficio inter se viam expeditiorem admittunt.

II.

F LACCESCUNT cellule, seu machinule istæ, ut cum *Borello* loquamur, & suis lateribus inertes connivent, quando musculus otatur, distenduntur è contra, & figuram peculiarem induunt, quando movetur. Hinc primâ fronte, novæ materiæ appellentis necessitas demonstratur, quæ machinulas ad contractionem adigat; eam verò qualis sit, des-

cribere, & quâ operetur motuum lege definire, non ita facile. Iniqui proculdubio rerum aestimatores, qui animam ipsam, aut facultatem incorpoream, ut principium & causam hujusce motûs agnoscunt. Responsum habeant ex poetâ, *tangere enim & tangi, nisi corpus, nulla potest res*; Deluduntur falsâ imagine motûs, & facultatis sonum retinent, non veram facultatem. Sanioribus etiam tum Physicis, tum Anatomicis visa fuit *Stenoniana* hypothesis, commentum lusufque ingenii, quâ placet absque novæ materiæ accessione, nimirum per solam mutationem figuræ, (commigrando scilicet à parallelogrammo obliquangulo in rectius,) musculum decurtari; refragatur huic opinioni, tritum illud, atque inconcussæ veritatis in physicis principium, *quod movetur ab alio movetur*. Obsolevit jam pridem vetus opinio, quâ spirituum animalium jugi influxu, & quâsi impetu factò, totam musculi molem turgescere credebatur; ita sane non difficili negotio, atque ad arbitrium, copiam spiritûs animalis, qui sanguinis pars delicatior, & purissima, vos pretiosus audibat, prodigialiter auget; cæterùm de ipsius naturâ, operandi arte, ne verbum quidem. Rationi non satis consonum nec experientiæ, fluidum quoddam salino-sulphureum, è cerebro, cerebellove diffundi per nervos, quod deinceps cum sanguine commixtum, hæc valeat excitare ebullitiones, quæ musculum ad contractionem adducant; cujus sententiæ favet plurimum *Vvillsius*; Non est ad explicandos automatis motus, necessaria saporum cohors; experientia demum, succum nerveum, si quem monstrat nervos irrigantem, saporis nullius esse declarat, aut admodum inspidi. Non melius fingas cum doctissimo *Mayovv*, qualitatem quandam nitro-aëream, hæc difficulter & agrè nimis canalibus irretiri valet, & precaria iis videbitur, qui aquæ frigida solo appulsu partes moveri posse intelligent, atque ita fluidum nerveum, subeat modo musculum, movere eum posse cujuscumque sit qualitatis. Non funis madefacti imitatio arridet, quo enim pacto posset voluntatis imperio, & prodigiosæ musculorum velocitati respondere pigra hæc, lentaque effervescencia? quo pacto nutu voluntatis subito detumescere, iterùmque turgescere valerent? unde sponte cessaret turgescencia? cum eos constet perpetuo liquore, præsertimque purpureo, madefactos irrigari.

LONGE proculdubio felicior, faciliorque hypotesis, de motu musculorum, quam non ita pridem exaravit, vir omni scientiarum laude cumulatissimus, *Johan. Bernoulli Doctor Medicus, nec non Matheſeos Groningæ Profeſſor digniſſimus*. Fatetur veram contractionis musculorum cauſam attigiffe eos, qui eam ab inflatione quâdam deducunt, quique ebullitionem, ſeu dilatationem admittunt fluidi intra veſiculas contenti, ut acquirant fibræ latitudinis ratione, quod demitur ex longitudine. Supponit cum *Borello* nervos eſſe congeriem tubulorum ſpongioſâ quâdam ſubſtantiâ reſertorum. Hanc ſemper turgere veriffimile eſt, ſuccoque, quem *nervofum* vocitant, repletam eſſe valde ſpirituoso, & mobili, quem cerebrum, cerebellumve indefinenter ſuppeditant, quique ſit ejus naturæ, ut ſi ſanguini commiſceatur, ſubitaneam pariat efferveſcentiam, hæc occaſione. Anima reſpectu corporis, non valet actum voluntatis exercere, quin illicò fiat agitatio quædam, in cerebro ſpirituum animalium, vel ſucci illius, qui mox nerveus eſt appellatus, quique, ut veriffimili nomen demus, ut eſt ſenſationum omnium, organum *occaſionale* immediatum, ita & motuum, qui perficiuntur in corpore cauſa efficiens, immediata, *occaſionalis* debet in poſterum vocitari. Id perficitur ex neceſſitate unionis mirabilis, quam conſtituit omnipotens animam inter & corpus, unionis inquam, lapſorum retrò ſæculorum, caligine, & tenebris conſepultæ, ætati huicce ſervatæ, à ſummis hujus ſæculi Philoſophis, luculenter, & evidentiſſimè demonſtratæ. Quoniam vero eodem ſpiritu, ſeu ſucco nerveo reſerta eſt longitudo tota nervi, non potuit principium ejus commoveri aliquatenus, quin alterum ejus extremum ſubcutiatur parumper, ut in baculo evenit oblongo, cujus extremitate unâ vel tantillùm commotâ, altera pariter ob contiguitatem partium commovebitur; ſic irritato nervi principio, guttula extrema ſucci nervoſi ex altero oſculo levi vibratione ejicitur, & hoc modo ex aliis omnibus nervulorum, quæ muſculum pereptant oſculis, totidem guttulæ evomuntur. Non aliter evenit in ſpongiâ liquore turgidâ, quæ guttulas eſſuere non ſinit, ni præmatur; cellulæ quippe valvularum officio funguntur, retinentque materiem. Dum igitur imperio voluntatis, aut conſuetudine naturæ, aut aliâ quâlibet cauſâ

præter naturali innumeræ guttulæ, eâ quam descripsimus mechanice, per totam musculi molem, (quæ spongiæ ad instar, sanguine irrigatur, & madefit), prorumpunt ex orificiis nervulorum, earum particulæ spirituosæ, summæque mobiles, spiculis quibus armantur, impingunt in particulas sanguineas, tenuiores diffingunt impetu factò, & insito aëri, qui laticis moleculis incarcerabatur, exitum præbent; is eâ quâ pollet elateris virtute, ebullitionem quandam de novo procreat, seu dilationem vesicularum muscularium, quæ illicò detumescant, subsistantque necessum est, ex quo subtilior spiritus, auraque elastica sui juris facta, ob exiguitatem partium, musculi poros liberè perrumpit, avolatque in aërem externum, ni de novo, jugiterque guttulæ succi hujus instillentur, quæ novam dilationem molecularum purpurearum generent, & musculum in eodem statu, contractionis retineant. De figurâ musculi, & præcipuè contracti, parum solliciti veteres. Illam facultati motivæ permittebant. Inter recentiores *Borellus*, figuram *Rhomboidalem* vesiculis suis, aut machinulis adscripsit, quas ideo vocat machinulas *Rhomboidales*. At quam sint à verâ figurâ alienæ, quamque & naturæ, & pressioni fluidorum repugnent, demonstravit, idem vir supra laudatus, *Joh. Bernoulli* quas vult ad circulum accedere, habebuntque figuram ex infinitis propemodum segmentis circuli æqualibus constatam, si ut solidæ considerentur, ex duobus si planæ, ex quibus in longitudine similiter instar annulorum catenæ positæ, formatur fibra motrix, quam fibram *Bernoullianam* dicere fas sit.

I V.

EX hac hypothefi, non ita operosum immensam, immo incredibilem musculorum *energeiam* deducere, explicare motus spasmodicos, seu convulsivos, rigorem, tremorem membrorum, oscitationem, pandiculationem, & quæ alia numerantur, faciliq; & levi conjecturâ ex supra dictis sequuntur. Immo ex calculo elateris auræ motivæ, cum resistentiarum viribus, fit manifestum, machinulas istas in maximâ contractione, vix ad tertiam sui partem dilatari, quod dicendum de musculo, quia machinulæ omnes ex quibus constat similiter decurrantur; contractio autem unius machinulæ est ad contra-

ctionem totius fibræ muscularis, ut longitudo illius, ad longitudinem hujus. Desinet mirari tam levem auram, accuratissimis etiam microscopiis imperviam, ejus esse virtutis, ut musculi molem ad contractionem adigere queat, quisquis ratione simul, & experiëntiâ duce demonstratum habuerit, primò ærem solum inter fluida corpora esse elaterio donatum, proindeque jure ac meritò ut dilatationum omnium, ita muscutorum contractionis esse parentem; secundò ipsum vinctulis circumambientium corporum ita comprimi, ut se ipso libero multo densior evadat, & exinde ad elaterem prompior. Primum perpetuâ propositionum serie immediatè deducitur ex hypothesi Cartesianâ, & cuilibet seriò meditantì planum fiet. Ad secundum sensibus ipsis, atque autopsiâ, quasi manu ducimur. Videmus, si liquorem aliquem, aquam videlicet, lac, & similia, igni committamus, infinitas propemodum excitari bullulas, liquorem jam eodem non contineri spatio, manifesto quidam aëris intus latentis indicio, qui dilatatur ope igneorum cuneorum, vincula solvit quibus irretiebatur, obque levitatem fertur ad apicem liquoris, bullasque efformat: hinc in aquâ, quæ semel ebullit, vivere pisces nequeunt, quia frustratur aër. Similiter etiam liquoribus omnibus aërem inesse compressum, evincunt experimenta *Boylana*, includatur enim machinâ pneumaticâ liquor aliquis, ex eâ, ut solet, artificiosè ducatur aër, statim animadvertere est innumeras bullulas aëreas, ut in prædictâ effervescentiâ erumpentes, quod ut in omnibus, tum in cerevisiâ præcipuè. Quod solida spectat corpora non ita tamen dura, comprobatur eodem processu plurimum inesse densati aëris; idem de durioribus, ipso sensu judice, sentiendum, quæ si injiciantur in ignem, dissiliunt subito cum impetu, & disrumpuntur non sine fragore. Ejus generis sunt lapis vitrum &c. Quid demum judicandum de sclopetis pneumaticis, recens inventis, quæ ope solius aëris condensati, globulum per asserem satis crassum trajiciunt, in quibus tamen aër vix decies naturali densior. Non demum compressa intra moleculas sanguinis *aura elastica* muscutorum motui impar videbitur, si ex processu experimentali *Boiliano*, quem referre longius foret, evincatur rationem spatii aëris condensati, esse ad spatium ejusdem dilatati & expansi, circiter ut 1. ad 2744. 8000. 8232. 13769. &c.

LONGE latèque se diffundit præclara hæc hypotheſis, ad naturæ miſteria. Quidni etiam ad fermentationes, atque efferveſcentias ritè explicandas plurimum inferviat. Earum natura legibus ejuſdem mechanices, conſtantique motuum ordine nititur. In explicandâ earum indole, *chimicaſtrum* imperitam plebem ne aſſidias, qui uniùs aut alterius vocabuli inſolentiâ geſtientes, ſe ſolos autumant naturæ ſcrutatores, & philoſophos. *Queris quid ſit efferveſcentia?* præſto adſunt. *Motus eſt præter naturalis, oriùs ex congreſſu acidi cum alkali.* Si inſteſ, *quid ſit acidum?* quod cum alkali efferveſcit. Sicque egregios neſcere diſcunt circulos è quibus ſeſe difficulter admodum expediunt. Pari lance æſtimanda ſunt vocabula, iſta erroris, & ambiguitatis plena, *ſalina, ſulphurea, nitroſa, mercurialia*, quæque è duobus mixta coaleſcunt, ut *nitro-ærea, ſalino-ſulphurea*, & ſimilia. Veritati, ipſique rerum naturæ magis conſentaneum, ad fermentationis, & efferveſcentiæ explicandam indolem, ſupponere quod veriſſimum eſt, ærem compreſſum ſui juris factum, quâ data porta, ruere inque majus ſpatium extendi. Aërem liquore quovis contentum, nulloque impeditum obice, ſurſum premi ad apicem liquoris, ſub formâ bullularum. In quovis corpore & quâlibet ejuſdem particulâ contineri non parum aëris, & quidem compreſſi. Quod duo corpora, quæ ſimul commixta valent efferveſcentiam producere, ſint ex certis particulis ab aliis figurâ diſtinctis, conſtata, quorum primæ, ſpiculorum ratione, in alteras impingere valent, earumque texturam diſfringere. His poſitis, nec difficili operâ demonſtratis, dum corpora duo, quæ efferveſcere apta nata ſunt, ſecum invicem congregiuntur, quælibet particulæ, quas *agentes* vocare licet, in *patientes* alterius corporis impingunt, & quia illarum particularum anguli prominentes, in harum ſinuofos, & concavos, impetu factò, cuneorum inſtar, inſiguntur, aliter fieri nequit, quin particulæ, quas *patientes* appellare lubet, impetum non ſuſtineant, diſfringantur illico per medium. Quo pacto aëri compreſſo, atque intus latenti, exitus paratur facilis, tumque è carcere & vinculis liberatus, erumpit cum ſtrepitu, ſpatium occupat amplius, tandemque ad ſuperficiem uſque liquoris ſub forma bullularum erumpit, non ſecus ac ſi ab igne vehe-

menter ebulliret. Hâc mechanices lege , fermentationis , & effervescentiæ causâ evidens est , & in plano : quæque ab iis nascuntur , varia patent naturæ miracula , inter quæ dubio procul non infimum obtinent locum vis musculorum , & motus.

Ergo ab aëris vi elasticâ motus musculorum.

Domini Doctores disputaturi.

M. Philippus Ignatius Save.

M. Petrus Marais.

M. Claudius de Frades.

M. Petrus Joannes Burette.

M. Carolus Contugi.

M. Abrahamus Thevart.

M. Ludovicus de Vaux.

M. Franciscus Vernage.

M. Claudius Quartier.

Proponebat Parisiis JOANNES DEPINEY PESCHARD,
Cenomanensis, Baccalaureus Medicus. A. R. S. H. 1700.

Apud FRANCISCUM MUGUET, Regis & Facultatis Medicinæ Typographum.